

عازيمو لا كيلينغو أهوسو زي هاكي زاكي بينادامو

مقدمة

- 1- ها مواكينيشو أوكايا هو كوبالي ي شيو شاهو أوبيندامو بيا فامويجا ني زي هاكي زا واجيبو زاهو أوساوا، زاهو، أوندو مشيندزي واهو أوهوريا، نو مليندزانيسو هاكي، ني أماني ياهي دنيا كامل.
- 2- ها مواكينيشو أوكايا أوبوزي نو أونيبيا زي هاكي زاكي بينادامو زيكا تسونغيزا يازيتريديوا زاكي جينغا زا أوتونغيزا نا أوكايا ومزاليهانو وا دنيا إيجو استيحي أوهوريا واما كولو، نا إيماني، دينا إيجو أوبوكانا نا مشنغازا نا أوسيكيني سيكي، أورينديها بوميبو لا مواندو لا هاينا موانادامو.
- 3- ها مواكينيشو أوكايا زو موهيمو هو هيفاطي زيهافي زاكي بينادامو هريموا داوولا إي روميوا شريعة إيلي يموانادامو ياتسي جيهورنتري هاريموا واجيبو ياهيما ها شاري، كينومي نو أورينزوا مفو نو كداميزيوا.
- 4- ها مواكينيشو أوكايا زو موهيمو هو أوتريا جتهادي أومبارانو نو أوانزاني بين ياهي زي داوولا.
- 5- ها مواكينيشو أوكايا هاريموا ليكاتيبا مشندزي لاهي ليكونغومانو لامادوولا يزي أمة زي تيكيلىزا همارا ياسايا أوأميني زيهافي مشيندزي زاهي موانادامو، هاريموا ما استيحي نا مفا مو أنترو واكي بينادامو، فامويجا نا أوساوا وهي زيهافي زاهو ونادامو وناواشي نو وانادامو وانومي. تسيباهي زي أمة إيزو زيتيكيلىزا أوتعاريفو واهازو أوسايديا أومبو انغايو وا ماعيشا ياي مجتمعة نا أوسيميزا شروطي نجيم زايدي زا ماعيشا هاريمو أونا فاسيا مونجي.
- 6- ها مواكينيشو أوكايا زي داوولا وانشاما زيجيتوليا أوظاميني فامويجا ني ليكونغومانو لاهي جمعية يا مادولا، أومستيهيضا ها كويلي نو أوليمينغو كاميلي، واهي زي هاكي زاكي بينادامو ني زي هاكي نيهوريا مشيندزي زاهاهي.
- 7- ها مواكينيشو أوكايا مويليوانو ساوى وفادزيموا واهي زي هاكي ني زي نيهوريا إيزو نترونغو موهيمو هاكو هاريمو أوتيكيليزا هاوجيمليفو ي عهادي يمجيتولياو اينو.

8- ليبرازا كو لاهي جمعية يا مادوولا نغواتيكيلىزاو هاجي مو اوكايا لي كاتيبا لاكيلىمنغو لاهي زي هاكي زاكي بينادامو ندو فاليكي ياهي زي امة ني زي داوولا زونتسي ايلي هاينا موانادمو هاو كونغومانو لا وانا دامو هاريمو اومجتمعة واجو اوكانا لي كاتيبا لينو هو روهوني،وكازاني ها ندزيا زاهو مسومو ني ماليزي،وا ينيزي هو مستيهيضا واهي زي هاكي ني زي نيهوريا زينو،وارودي وساني واينيزي ها ترتيب زا فرصة زاكي داوولا زا اوبولي نا زاكي ما داوولا زا مباتانو او كوباليوا نو متريضا ندزياني ها مسينادي ني زي راعيا زاهي زي داوولا وانا شاما نا ني زي راعيا زاهي زي انتسي زيليو هونتسيني موا زي ظمانا زاهازو.

فصل يا هند (1)

او وانادامو بيا اوزالو نا هوريا نا اوساوى واكي اونترو نا اوهاكي. او وافواوا عقيلي نا اورامبوزي هايزو ايلازيمو وروالياني هازي ترنيدوا نا فيكيرا زاكي اونا.

فصل يا فيلي (2)

1- هاينا موانادامو نغوجو جوا اوجيناسيبيشا ني زي هاكي ني زي نيهوريا زونتسي زا تيكليزيوا هاريمو ليكاتيبا لينو،فانسينا اوبانغوزي اوتسوكا ونتسي،تسي واكابيلا،ورانغي، وا اونترومي هاو اونترووشي،وا لغة،وا ديني،وافيكيرا زا سياسا هاو اوبانغوزي مترواجي اوتسوكا ونتسي.

2- نا واجاو كائتسو لازيمو فاكاي اوبانغوزي وا موانادامو يالاوا هاريمو نتسي هاو ايباندي شا ارضي ها سبابو ندو مكايو واهي ينتسي هاو يي ارضي ايو واكي سياسا،شريعة هاو جيرما هاريمو او اوليمينغو واكي مادوولا. ريكا نتسي ايليو اوهوري،هاو يتاواليوا هاو ياليزيوا داوولا نيترواجي،هاو يتسو اوجيميليكي،هاو ياتسو تيمو اوهوريا هيزيجيها بيا.

فصل يارارو (3)

هاينا مترو نغينا هاكي يا عيشي،ياكي هوريا،او ونترو وا هاهي اوفاموا.

فصل ياني (4)

كفاتسي مترو يالازيمو ياريندوا متروانا ها مروموا، او اوترانوا ني بياشارا يا تروانا يهاراميشيوا هي زي صوروايا بيا.

فصل يا تسانو (5)

كفاتسي رهوسا يا او اوندووا مواندامو، هاو اومفانيليا زينتريدوا زا بيو زاكيناما هاو زا اوفنغووا اوبيندامو هاهي.

فصل يا سبت (6)

هاينا موانا دامو نغينا هاكي ياكوباليوا يماهالا بيا ياجيهونتراو اوونتراو واكي شريعة واهاهي

فصل يافوكاري (7)

او وانادامو بيا او ساوى هو اوسوني موي شريعة ناو نغاوناهياكي ياهافاظيووا ني شريعة. او وانادامو بيا نغاوناهياكي ياهافاظيووا هاو ساوى نا هاينا اوبانغوزي اوجو اوتعاديا لي كاتيبا نا هاينا نتسونغيزا يا اوبانغوزي.

فصل ياتاني (8)

هاينا مواندامو نغينا هاكي ياهونترا ماريجي ياكوي اوسوني موا يزي محكما زالازيمو هاوداي زيهياكي مشيندزي ياكوباليوا زو زو ني شريعة مشيندزي هاو زي شريعة مبالي نا مبالي.

فصل يا شيندا (9)

كفاتسي مواندامو اوجووا اوباليووا، يا فونغوا هاو يا توووا سيستاني هاجي لا يزي.

فصل ياكومي (10)

هاينا مترو نغينا هاكي، هاريموا ووساوى واتيميا ياشيليووا ها اوعاديليفو هاريمو ترينغوي ني محكم يالونا اوهوريا فاتسينا بنزليا. محكم ياجو اوتيكيليزا يزي هاكي ني زي واجيب واهاهي، هاو ياجو اونييسا وكويلي واهي ايزو ياتهوملو نيزو هاريموا اوباندي وامحكما يا زترنيديوي زي دزيرو.

فصل يا كومي نا مويجا (11)

1- هاينا مترو ياتهوملو نا ايترندوا شا تعاديا يشريعة يكاكي اوكا ظمانا وا هاشو راها او ظمانا اوو ويجا فينوزا كيهياكي هاريمو محكم با موباها يامنيكا زي هاكي زا لازيمو زا جيدافعو.

2- كفاتسي مترو أوجو جوا أوفونغوا هازي تريندوا هاو مبوزي نترونغو وا زايا خطر، إيكو كازيچاك زا زياضا ني شريعة شاهي انتسي يهاهي هاو يشا كيليمينغو. أو وكاتي شي إيترنندو هاو أومبوزي نترونغو وافانيشيها تسيباهي يمتروو كان أوجووا هوكمولو زيفونغو زي دزيرو زا زايديا إيزو زاكاهوينديليا أو واكاتي شي إيترنندو شا فنيشيها.

فصل ياكومي نابيلي (12)

كفاتسي روهوسا ياموانا دامو أوجيلو كينغوزي شام فو هاروموا يمايشا يانداني يهاهي، يهاهي فمي يا هاهي ني ليداهو لا هاهي هاو يماصليان يهاهي هاو أوبولو شيو نا شرفو. هاينا مترو نغينا هاكي يا هيفاظيلو ني شريعة هاو أوبوكانا نا زي تريندوا جيزي.

فصل يا كومي نا نترارو (13)

1- هاينا مترو نغينا روهوسا يا أوزونغوليا ها أونافاسي نا أوتسونغو يماكازي يا هاهي هاريمو ينتسي.

2- هاينا مترو نغينا هاكي يا أوجووا يا لاوي هاريمو هاينا نتسيب يشي ندي يا هاهي يارودي ياريجيي.

فصل كومي نا نني (14)

1- هاينا مترو يا دونغو ها شاري، نغينا هاكي يا أوتساها حيفاظي ها أوبوا ماكابو إيلي يا جيھونتري هاريمو نتسي زينترواجي.

2- إي هاكي إينو كاينا أوفاي يكا يمترو ها توهومولو نا أوتساهاوا ها سبابو زيتريندوا زا هكومولو أوكا زابيوو ني شريعة شيروميلو أو وانترو بيا هاو ها سبابو زيترويندو كينومي ني زي فاليكيني ني زي فيكيرا مشيندزي زاهي جمعية يا ماداولا.

فصل ياكومي نا نتسانو: (15)

1- هاينا مترو نغينا هاكي يا أوكانا أوراييا وا داوولا.

2- كفاتسي مترو وواوجووا أوفوهوا أو راعيا واهاهي، هاو يهاكي يا أوباديلي أوراعيا فاتسينا أوستيحي شريعة.

فصل يا كومي نا سبت (16)

1- هائنا مترو يا بالغى متروممي هاو مترمشي فاتسينا اوبانغوزي وا كابيللا، وا اوريا هاو وا ديني، نغي احو يا فاني ندوولا يا ووندي فمي. مترمشي نا متروممي انغواون هاكي زا ساوا هو فونغوا ي ندوولا، هاريمو اوو مودا وامعيشي هاو، نو متسمباليو هايو.

2- ي ندوولا كاينا اوجووا اوفونغيها فاتسينا وومكوبالي ها راضي يا ميو واهي بوان ني بيب هاروسي

3- يفامي ندو نغوزو ايهيميساو اومجتعا نيو نغيو احو يحيفاظيضا نو مجتعا ني داوولا.

فصل يا كومي نا مفوكاري (17)

1- هائنا مترو نغينا هاكي يا اوميليكي مبهنترو وايتشي هاو ها فامويجا نا وانترو.

2- كفاتسي مترو اوجووا اوفوها ي ميليكي يا هاهي هانزيا زيتسو زا حقي.

فصل يا كومي نا نائي (18)

هائنا موانادامو نغينا حوريا وا فيكيرا، نا حيسي، نا وا ديني. اوحوريا اوو وتسنگانا اومترو اوجووا اوباديلي ديني هاو يقيني فامويجا نا اوتيكيلازا يديني هاو ي ياكيني يهاهي وايتشي هاو فامويجا نا وانترو، ها ريموا تريغوي هاو هونداني هاهي، مسومو نا زيتريندوا، نا اوتيكيلازا زي نغوزو زاهيو نا ني زي داستوري.

فصل يا كومي ناشيندا (19)

هائنا موانا دامو نغينا هاكي يا اوهوريا وا اووني نا اوجيتيكيلازا، ايزو نغازيفاسيريو اوكايا كانا اوجووا اوتعابيشيوها سبابو ندو ووني وا هاهي. ناي نغينا هاكي يا اوتساها، نا اوهونترا، نا اوترنغازا فاتسينا ايزنغيري يا ميباكا يا نتسي، ي زي تعاريفاني زي فيكيرا هي زيندزيا زونتسي زا ماترانغازو نا متامكو.

فصل يا عشرين (20)

1- هائنا مترو نغينا هاكي يا هو اوجيليانا نا نا اوتسنگانيها نا وانترو ها امانى.

2- كفاتسي هاكي يامترو اوردزوا فوو يا نجى هاريمو شاما شيتسو كاو.

فصل يا عشرين نا مويجا (21)

1- هاينا مترو نغينا هاكي يا اوجووا اوترنديا زي نترنغو زاكي داوولا زاهي ينتسي يا هاهي، ريكا نداي واي، ريكا هاو وكيلي وانثرو ياوا تسنغو وا ها اونا فاسي.

2- هاينا مترو نغينا هاكي يا اونجيا هاريموا زي هازي زاكي داوولا ها شروطي زاساوا.

- اي ماووني يا تيكيلازيوا ني ما راعيا يو ندو مشيندزي واهو موينديسو ي ايزي واهي ماظمان وا داوولا. ي ماوني يايو واجيبو يا تيكيلازيوا بنزا ها بنزا، ها فوتي نتراهافو، زا هونتسانيا ي ماراعيا بيا وباسيوا نيزو ها اوساوا، نا اوستيحي ي سيري يا فوتي هاو ها اودونغا نديا زي فاناو نيزو زيغو اوستيحي اوحوريا وا فوتي.

فصل يا عشرين نابيلي (22)

هاينا مترو نغينا هاكي، هوليهو يي موانا شاما، هاريموا اومجتمعا يا هونثري ي حيفاظي يا لاوانا نوو، نغينا رو هوسا واجاو يا هونثرا متيكيلازيو واهي زي هاكي زكي تومو نا انكيبا زاكي داوولا، نا ني زي هاكي زاكي مجتمعا نا اوتما دوني زيليو وا جيبو هوجموا ومكايو مترو هاهي نا ني مسعد واهي زي داوولا زينثرواجي، ها اوفيميسا زي ننتشيدا زاكي مالي زاهي زي نتسي.

فصل يا عشرين نا نثراو (23)

1- هاينا مترو نغينا هاكي يا فاني هازي تسينا نغينا اووهوريا وا اوتسونخوا يا هازي يا نزاو هاريموا ماشروطي يا هازي يا هاكي يجو هومجيفيا يارودي يا حيفاظي نو اوبوري.

2- اوو وانثرو بيا انخواونا حقي فاتسينا اوبانغوزي وتسوكاو واليفوا مشاهارا وا ساوا هاريمو هازي زاساوا.

3- هاينا مترو هازي نغينا حقي ياليفوا مشاهارا واكياسي اوجو هومتوشا اوظاميني ماعيشا يا كي بينادامو ياهاهي ني اهلي يا هاهي اوجو اودوغوا يكا زيلازيمو ني زي حيفاظي زينثرواجي زالا زيمو.

4-ها ینا مترو نغینا هاکی یا ترونغی سنديکا نداینا وانتر و سايا، هاو یا جیي هاریمو سینديکا هاو دافعو زي هاکی زاکی ما عیسا زا هاھي.

فصل یا عشرين نا ني (24)

ها ینا مترو نغینا هاکی یا اوفومیزا نا اوجي فخاریا مباقي،خصوصا ندو اوجیمیزا مودا وا هازي واکیاسي نا کونجي زا مترو اولیفوا زیجو اوكایا زام ودا حتی مودا.

فصل یا عشرين نا نتسانو (25)

1-ها ینا مترو نغینا حقي یا کینا ما عیسا یا اوتوشا یا کنغي یصیحا، مکایو نتر و وا هاھي ني أهلي یا هاھي، خصوصاً اوباندي وا شاهولا،مفازي،نومبا،اونونو،فامویجا نا اوحیفاظیوا اونترو واهاھي واکاتي یاتسو هازینی،یالو موادي،هاو یاتسو شیندا،هاو یا فیوا ني مشي هاو ي متروممي هاو یکا ها بوزیزیوا ني زي نتشیدا زا اوعیشي ها سبابو نترونغو زامجیریا یاتسو زیتسونغا ي موینی.

2-اوزازي نو اوليزي ایلازیمو زي سایدیوا ها مسعد مخصوص. او وانا بیا وا زاضا هاریموا نکاحي هاو فاتسینا نکاحي نغوانا حقي واحیفاظیوا ساوا.

فصل یا عشرين نا سیت (26)

1-ها ینا مترو نغینا حقي یا اوهونترا مسومو نا ماليزي یا بوري،خصوصا ندو مسومو وا نتسینی نو مسومو مشیندزي. اومسومو واکی تقنیکی نو مسومو وا هازي نغیلازیمو وینی. ومسومو واجوو نغیلا زیمو ایبولیوا اوانترو بیا هاو ساوا نا اودونغا ي اوجوزي وا ها ینا مترو.

2-اومسومو نغا اولازیمو اوكاني فالیکی زا اوباساوا اوبینادامو واھي موانا،نا اوتریا مفو هو اوستیحي زي حقي زاکی بینادامو ني زي نفاسي مشیندزي. نغیلا زیمو اومسومو اوتري مفو اومویلیوانو،امجولیانو،نو اوانزانی بین یاھي زي داوولا ني زیکوري زاکی ماکابیلا هاو دینی، فامویجا نو اوسایدیو زي هازي زاھي ي جمعیة یا مادوولا زا اوسمیزا ي امانی. اواندوزا واھو وانا،نغوانو هامواندو ي حقي یا اوتساوا ي ماليزي وانزاو وانیکی او وانا هاو.

فصل يا عشرين نا مفوكاري (27)

1-ها ينا مترو نغينا حقي يا نجى هاريموا يماعيشا ياكى تامادوني ياهو مجتمعا، ياهونترى زي فايدا زاهو اوجيزى واكى صنعا يانجى هاريموا يمايديليو ياكى ساينس ني زي فايدا زاهايو.

2-ها ينا مترو نغينا حقي يا هونترانى نا حيفاظى ياهى زي فايدا زاكى ميو نا زاكى ما عيشا زا لاوانا نا هاينا مترونغو وا هاهى ملكى،واكى ساياسى،مندزىشى،هاو واكى صنع.

فصل يا عشرين نا نانى (28)

هاينا موانا دامو نغينا حقي فاكاي معيش هاريموا اوومجتمعا واكى ليمينغو وا هاوا يا اوروهوسو اوحيفاظى زي حقي ني زي نيهوريا زا تيكليزيوا هاريموا ليكاتيبا لينو.

فصل يا عشرين ناشيندا (29)

1-اي موانا دامو نغينا واجو زي واجيبو زا هاهى هو جومو او مجتمعا ايكاو ندو اوروهوسيو اوتتشي وملامحو ني زي كوليو زاهو اونترو وا هاهى هاو نفاسى واتيمو اوكوبالى.

2- زي حقي ني زي نفاسى زا هاينا مترو كازيتينا ايزينغيرى ايتسو ندى زا هانتسيوا ني شريعة ويسوتتشي ايلي اوحيفاظى،اوكوبالى نا يا اوستيحي زي حقي ني زي نفاسى زاهو او وانترو واندرواجى نا اوجيبو زي واجيبو زاكى ماليزى يابينادامو، نا اوستيحي او تورليفو، نو مكايو ندرو ولازيمو مجتمعا واكى ديموقراطى.

3- زي حقي ني زي نفاسى ايز نكازينا اوجو،هاينا نمنا يونتسى زيندى كينومى ني زي فاليكى ني زي عازيما زاهى ي جمعية يا مادولا.

فصل يا مينغو ميرارو (30)

كفاتسى فصل يا هي ليكاتيبا لينو ليجو اوجوا لي فاسيريو ني داوولا،ايكوندى شا واندرو،هاو مدرو ايتسوكايو ها اوظومانيا ندرونغو هاو ايتريندوا ايلي اوتريا شاكا ها اومينا يزي حقي ني نفاسى زا تيكليزيوا هاريمويلو.